

康熙臺灣府志

第五冊

臺灣賦

高拱乾

繫洪荒之未闢兮含混沌而茫茫迨河山之既奠兮
爰畫野而分疆裂九州而成天下兮誰不知乎海之
為百谷王維禹功之所不及兮遂棄之于莽莽而蒼
蒼一自地借牛皮謀成鬼伎斷髮裸身雕題黑齒營
赤嵌之孤城築安平之堅壘隱樓櫓於鯤身藏火攻
于鹿耳貿易徧于三洲資生憑乎一水藉三保而標
名兮致懷一以不軌哀商賈之何辜兮聚魂魄于蒿
里嗣是荷蘭煽虐天贊成功鹿門潮漲滄窟戍空時
移事去兵盡矢窮竄餘生而歸國兮遂此地為蛟宮非
天心之助逆兮蓋刼運之未終不謂寇我疆場焚我

康熙臺灣府志

卷之十

藝文

七一

保聚時乘無備而肆其鴟張或因不虞而資其竊取
收亡命於淮南兮聚無良于水滸民不聊生王赫斯
怒咨左右之夔龍率東南之熊虎定百計以安瀾兮
果一戰而納土于焉擴四千載之洪濛建億萬年之
都邑風既變為新裁俗亦除其舊習文武和衷干戈
載戢誰肆志以行吟豈有懷而靡及若夫汪瀾既倒
海若呈奇一時琥珀萬頃琉璃情渺渺兮孤往天青青
兮四垂風輕兮水面雲淡兮山眉卽孤臣與孽子亦
撫掌而忘饑至於輝壁耀奎陰陽分位月白飛銀空
明捏翠乘舴艋兮小舟結金蘭兮同志玉樹兮三章
青州兮一醉實自幸世外之有身誰復疑此間之無

地至若山山含紫樹樹凝青層巒疊嶂戴月披星或
瓊飛而皓皓或體潔而盈盈時微雲以四抹忽巧鳥
兮一聲懷高岡兮彩鳳聞此地兮仙靈羗應接而不
暇兮又何讓乎山陰爾乃石尤乍起馬首長驅雷鳴
海底霧失天隅濤倉皇而山立浪怒激而箭趨驚聞
聲為飛礮訝入眼而墜珠乾坤兮雲狗風水兮人魚
則惟有寄餘生于滄影兮誰復望視息乎斯須若乃
水土無情番彝裸處既慣狎鷗誰傷碩鼠雖敬老而
尊年柰輕男而重女富賽懸壺糧無宿貯圍尺布之
蒙蒙謂衣裳之楚楚蛇目蜂腰雀行鳥語而或蕩子
從軍貞臣流寓哭倒行于途窮傷逆施于日暮奮一

臂而長呼輕餘生以不顧至闔室以雉經且從容而
遵路於是水變為愁山真如醉叫泣月之子規淚批
風之鼯屬魂黯黯兮牢魄魄淒淒兮惟瘁固志士之
不忘亦斯文之未墜乃至蝦鬚百丈鱗骨千尋貝文
似鳳魚首如人大龜之壽三萬歲蝴蝶之重八十觔
非此邦之物產益在乎南海之濱又如蜃樓縹緲海
市高低碧雲擁曰滄海為梯光從定後圓始天躋非
此邦之風景又在乎東海之青齊更或橋邊鼈泣別
淚如珠山頭劍舉雪城為墟飛女仙之一石起剡史
于沾濡扶紅裳之魚女使之返于沮洳而茲邦又無
此怪異事或見之于洞庭湖噫嘻戶滿蔗漿兮人藝

五穀地走風沙兮羣遊麋鹿厭五畝之宅而不樹桑
兮任三家之村而亦植竹道無遠近兮肇牽車牛人
無老幼兮衣帛食肉惟占籍而半為閩人兮故敦厚
亦漸而成俗若欲盡寫夫杳渺之離奇兮恐或見嗤
夫齋莊而端肅即飲食亦平易而無奇兮原未足以
窮夫人間之水陸惟聖世而能破夫天荒兮幸滄溟
而亦拓其地軸聊搦管而賦其物情兮用以佐夫大
風之一曲亂曰秋風起兮楓木丹天地閉兮荷始攤
燠多寒少兮民析雷轟海發兮響空山為王尊兮應
叱馭為王陽兮心一酸於山則見太行之險於路則
見蜀道之難於海道之難上難險上險普天之下望

洋興歎者吾知其無以過乎臺灣

詩

澎湖

唐施肩吾載海澄志

腥臊海邊多鬼市
島彝居處無鄉里
黑皮年少學採珠
坐把生犀照鹹水

東寧友人貽丹荔枝十顆有懷

明王忠孝海外

何從得異果于今不見已
更年色香疑自雲中落
苞葉宛然舊國遷
好友寄械嫌少許
老人開篋喜亦綠
餘甘分噉驚新候
遙憶上林紅杏天

康熙臺灣府志卷之十 藝文

七四

康熙三十二年春蒙

聖恩賜袍至臺恭紀二十韻有序

高拱乾

辛未承乏溫陵是冬謬充卓異
明春分臬八月乘槎
比畫錦以西征人慙司馬慰

宵衣于北闕職矢羔羊乃多繡
在胸方切鵝梁之愧龍文
耀笥復蒙蟒服之

頒自念席貴先臣不敢以紈綺
自棄所至問民下隱惟
其期夫蔀屋忘寒向作省郎兩預

大廷賜幣茲為邊吏再叨

寵命自天每追昔而撫今懼徒感而莫報
因成小詠用紀殊榮永矢愚忠庶幾無斃

車服本酬庸王臣勵匪躬不才何比數盛世幸遭逢
道際垂裳曰朝多補袞功褰惟榮郭賀布被卧孫弘
吏重二千石詩陳十五風琪球來海外金繪賜宮中
憶昔瀛臺宴為郎畫省東追隨承鉅典拜舞後羣
公捧出卿雲麗裁成御氣濃一麾居郡國十載
課桑農辱與循良列知蒙特達隆鷺門秋色好鷓首
綠波融揚激名難副綏柔俗未同格苗當舜代興學
慕文翁背曝暄思獻天高思更崇鮫機輪燦爛鳳尾
並龍葱長短身雖稱偃僂趨益恭頒從驃騎將延協
王君陞見為請給至臺製自內司空寸草三春照孤
蓬萬里踪敢言章有德祇識報無窮

東寧十詠

高拱乾

天險悠悠海上山
東南半壁倚臺灣
敬宣帝澤安羣島
愧乏邊才控百蠻
瘴霧掃開新氣宇
風沙吹改舊容顏
敢辭遠跡烟波外
博望曾經萬里還

其二

曉來吹角徹蒼茫
鹿耳門邊幾戰場
流毒猶傳日本國
偏安空比夜郎王
臺地先為倭奴所踞
旋歸荷蘭後屬鄭氏
樓船將帥懸金印
郡縣官僚闢草堂
使者莫嫌風土惡
番兒到處繞車旁

其三

州縣功名寧復論
承家世受國深恩
拂鬚自昔輕叅

康熙臺灣府志

卷之十

藝文

七六

政強項從來動
至尊客去畱詩魚
挂壁吏閒無牘雀
羅門韶光拋擲真
堪惜野杏春深落
滿村

其四

春臺廣廈銜虛署
校藝監軍職濫分
無力椎牛頻饗士
有時倒屣細論文
平生拙處勞難補
異域愁來酒易醺
筋力未衰官興淺
函關西隔萬重雲

其五

有懷須學藺相如
每遇廉頗獨讓車
晚圃晴霞秋習射
半牕苦竹午臨書
羣公望隔三山杳
聖主明周萬里餘
素志漫言伸未得
忘機直欲混樵

漁

其六

三秋聞見總蕭颯
日夜飛濤不斷號
舊集閭閻皆斥鹵
新開原野半蓬蒿
空山那得珠崖貝
伏莽休懸渤海刀
應識乘軺難塞責
願紓南顧

聖躬勞

其七

尺檄如傳空谷聲
重洋間隔文移亦不易見
阻風經

月少人行關山已歷三千里
檣櫓猶遲十一更
廈門

至臺群水洋十一更
地暖臘殘無雪到
憂深鬢衰任

霜橫眼穿何處天
邊鴈京雉難忘故舊情

其八

康熙臺灣府志 卷之十 藝文

七七

竹弧射鹿萬岡巔
罽網張魚百丈淵
幅布無裙供社餉
隻雞讓食抵商錢
文身纔起瘡痍色
赤手誰將垢敝湔
為語縮符銜 命吏遠人新附倍堪憐

其九

索居寂寂近瓜期
報道清班擬暫移
近閱邸抄開列

司道補京卿者十人余忝廁名其中
高適豈堪常侍

後班超惟有玉關思
封侯夫婿何須悔
學步兒曹大

更癡自笑浮名終日累
海濱漫守使君碑

其十

誰言習俗亂絲同
攬轡澄清乏寸功
拊輯尚慙屏翰寄
更番何日戍樓空
擬携片石安歸棹
聊訂新編當

採風臺郡無誌余甫編輯 此去中原詢異事仙桃長對
佛桑紅

康熙臺灣府志 卷之十 藝文

臺灣八景

安平晚渡

高拱乾

日脚紅彝壘烟中喚渡聲一鈎新月淺幾幅淡帆輕
岸澗天遲暝風微浪不生漁樵爭去路總是畫圖情

沙崑漁火

海岸沙如雪漁燈夜若星依稀明月浦隱躍白蘋汀
鮫室寒猶織龍宮照欲醒得魚烹醉後何處曉峰青

鹿耳春潮

海門雄鹿耳春色共潮來二月青郊外千盤白雪堆
線看沙欲斷射擬弩齊開獨喜西歸舶爭隨落處回

雞籠積雪

康熙臺灣府志

卷之十

藝文

七九

北去二千里寒峰天外橫長年紺雪在半夜碧雞鳴
翠共峨眉積炎消瘴海清丹爐和石煉漫擬玉梯行

東溟曉日

海上看朝日山間尚曉鐘天開無際色人在最高峰
紫閣催粧鏡咸池駭浴龍風流靈遲句灼灼照芙蓉

西嶼落霞

孤嶼澎湖近晴霞返照時秋高移絳樹海晏捲朱旗
孫楚城頭賦劉郎江上詩淋漓五色筆直欲補天虧

澄臺觀海

有懷同海澗無事得臺高瓜憶安期棗山驅太白鰲
鴻濛歸紫貝腥穢滌紅毛濟涉平生意何辭舟楫勞

斐亭聽濤

島居多異籟大半是濤鳴
試向竹亭聽全非松閣聲
人傳滄海嘯客訝不周傾
消夏清談倦如驅百萬兵

郊行卽事

王兆陞

奉命籌軍國非關玩物華新涼猶未至餘暑正方賒
鳴騎依殘渡行旌帶晚霞無勞呵殿急恐警野人家
其二

夙駕因憂餉三農兼課工樵高資兩茂禾好卜年豐
社鼓搗須習豳笙調預融麥蠶增喜笑亦復學張公
其三

危橋恣蟻渡蓬室類蝸房草詫胭脂紫花聞月下香
胭脂花與月下香皆海外異卉番榴生礙路野鳩語
誰鄉觸目殊風景車輪幾斷腸

其四

康熙臺灣府志 卷之十 藝文
八一

但歌靈雨降瘠里仍然貧早穀先垂穎新秧猶壓蘋
誰憐蕒作飯俗呼土瓜無糧代飯者十之五果見釜
生塵不歷郊原遍焉知民苦辛

其五

欲悉田家事無將上下睽兒童擎綠酒野老饋黃梨
忘分辭方盡陳情意轉淒莫云民俗薄綏靖念殘黎
其六

寄身重海外嘿坐計生平幸隸芙蓉署欣遊細柳營深
村忘犬警遠渚有蛙更夜兩晨方歇驅車再問程
其七

瘡痍纔息後鷹眼未全收箸為軍糈借心因民瘼忉

催科良媿拙撫字敢矜勞珍重斯民意輸租謝爾曹
其八

飛蝗來鳳邑忽蔽永豐雲婦子奔號急微民稽拜殷
弭災全藉德祝蜡豈徒文賴有廉仁

憲驅山息異氛

題 天妃宮

季麒光

補天五色漫稱祥誰向岐陽祝瓣香幾見平成踰大
海自知感應遠重洋遐方俎豆尊靈遠

聖代絲綸禮數莊是處歌恩欣此日風聲潮影共趨跄

臺灣吟

黃學明 粵淳德人

四溟中斷此孤懸日月輪高見影偏泣淚鮫人朝入

康熙臺灣府志 卷之十 藝文

八二

市凝寒金氣夜干天馬鞍轟起青全島鹿耳雄開障
百川盛氣消沉無覓處牛羊來下翠巖煙

又

漆身裸體類山麋有古遺風不是愚蔓草束頭分角
髻青筐歸市買陬隅編莎似橐籥腰骨截竹為圈塞
耳珠蠻曲聽來無一字行歌巖下採春蕪

又

山花滿插鬢頭光蠻婦蠻童一樣粧久嚼檳榔牙齒
黑新成麩藥口脂香草間察節知風色日下承暄度
歲霜獨有生男無喜處女郎求室迓兒郎

又

山深深處又深山一種名為傀儡番負險殺人誇任
俠終年煨芋飽兒孫烟霞鑄骨身能壽薜荔為衣冬
亦溫鳥道倚天高不極慣常奔走捷如猿

安平晚渡

齊體物

十里平鋪練孤城落照邊恍爭雲裏鳥人坐畫中船
浪撼魚龍宅孟懸上下天遠沙漁火起點點聚寒烟

沙崑漁火

渺渺烟波外漁燈出遠沙如何天海畔亦自有人家
落影常駭鱷當門不聚鴉望中疎更密知是屋參差

鹿耳春潮

鹿耳雄天塹寒潮拍拍來激濤翻白馬匝岸走春雷
候月知宵漲看波感後催誰能慕宗慤萬里駕風回

雞籠積雪

蠻島亦飛雪玲玲徹玉壺經年寒不已見月影俱無

積素疑瑤圃高空似畫圖惟於炎海外方覺此山孤

東溟曉日

高島看朝旭天雞未發聲卻將身萬里常起自三更
宇宙尚朦昧扶桑已極明得為滄海客先見日華生

西嶼落霞

明霞散天末灼灼濃於綺試吟謝眺詩分明擬得似
遠看孤嶼間疑自赤城起何當遇劉郎與之同徙倚

斐亭聽濤

憲府亭臨海風濤秋有聲當杯須百斛危坐亦三更
動地疑河決掀天似岳傾夜吟共賓客不淺武昌情

澄臺觀海

臺因觀海構遠水綠於蘿浩渺心俱濶澄清志若何
只疑天是小更覺地無多白雉梯航路于今尚不波

濤兩

雖慙撫字拙憂 國願年豐苦魃方思雨瞻雲忽見
虹幾家堪食玉此日更無風齋沐桑林下惟祈格上
穹

喜雨

隱隱西郊外屯雲漸徹天欲為民望歲正喜雨歸田
樂且從人後憂宜自我先試看阡陌上禾黍已芄然

東郊迎春

物候臨烟島年華處處同靈旗迎帝子璆珮響春風

淑氣歸青柳餘寒付朔鴻况逢晴此日相慶卜年豐

又

春自莫階發趨踏鷓鷯行 明堂居左个青玉祀勾
芒耒耜先民力義和馭日長微臣天萬里何以頌

陶唐

又

衰草含生意郊原氣自新願教青帝力俾我有年春
不侈汙邪望惟祈雷雨勻大田幸多稼寧止樂吾民

竹溪寺

梵宮偏得占名山岬作蠻州第一觀澗引遠泉穿竹
響鶴期朝磬候僧餐夜深佛火搖鮫室雨裏檳榔綴

康熙臺灣府志

卷之十

藝文

八五

法壇不是許珣多愛寺須知司馬是閒官

海會寺

冷月橫斜弔子規當年黃幄爾徒為梁塵尚逐梵音
起幡影猶疑舞袖垂風雨有時聞響屨草花何用長
胭脂是空是色渾閒事只合登臨不合悲

赤嵌城

特立巍巍控太清烟霞都自脚根生羞為白髮蠻官
長親上紅毛赤嵌城日月過天疑見礙魚龍駭影盡
潛驚何堪望斷他鄉目滄海茫茫故國情

澎湖典

海外遙聞一島孤好風經宿到澎湖鯉含玉舌名西

子蚌吸水輪養綠珠蕩漾金波浮玳瑁連環鐵網出
珊瑚登臨試問滄桑客猶有田橫義士無

臺灣雜咏

疑是羲皇上古民野花長見四時春兒孫滿眼無年
歲頭白方知屬老人
春盤綠玉薦西瓜未臘先看柳長芽地盡日南天氣
早梅花纔放見荷花
紀叟中山浪得名何如蠻酒撥醅清寧知一醉牢愁
解幾費香腮釀得成
樂溪流水碧差差不擬天寒出浴遲卒歲無衣雙赤
膊負暄巖下曝孫兒

康熙臺灣府志

卷之十

藝文

釀蜜波羅摘露香傾來椰酒白於漿相逢岐路無他
贈手捧檳榔勸客嘗
生年十五鬢鬢招得兒夫意所甘豈但俗情偏愛
女草中都不長宜男
燕婉相期奏口琴宮商諧處結同心雖然不辨求凰
曲也有冷冷太古音
露濃滋得麥苗肥草長還憂豆葉稀心憶兒夫桑柘
下曰斜相望荷鋤歸
傀儡番居傀儡深豈知堯舜在當今含哺鼓腹松篁
下盛治無由格野心
巢棲穴處傍巖阿薜荔為衣帶女蘿要向衆中誇俠

長只論誰最殺人多

臺灣雜咏

陳兆蕃 晉江人

茆簷竹壁半耕農士女於今罷斥烽山色千年森虎
豹潮聲萬里撼蛟龍朝裘午葛邊嵐異搗鼓催航野
渡衝自是天開南極處向來裸髮也雍容

又

天空海濶任婆娑極目岡陵髻似螺草地桑苗遲作
賦鴻濛筆臺漸開科淨穉番女披衣少勞苦車牛涉
水多五十年前兵甲事猶餘父老為談麼

安平晚渡

王善宗

滄海安平水不波扁舟處處起漁歌
西山日落行人少帆影依然晚渡多

沙崑漁火

長沙一帶積如山碧海分流水
自潺數點殘星歸遠浦清光永夜照人間

鹿耳春潮

鹿耳門中碧海流潺湲滾滾幾時休
波瀾不斷春光好潮信聲聞應鳥啾

雞籠積雪

雞籠一派海汪洋寒氣相侵曠野涼
冬至絮飄深谷

康熙臺灣府志

卷之十

藝文

八八

裏玉龍戰退耐風霜

東溟曉日

滄溟不測水濛濛曉出扶桑幌
海東一望無涯紅日近龍光射目碧天空

西崑落霞

夕照西山尚未昏落霞倒影碧天痕
風飄草木殘紅映月色依稀上晚村

澄臺觀海

巍峩臺榭築邊城碧波流水有聲濟濟
登臨供嘯傲滄浪喜見一澄清

斐亭聽濤

華亭藻棁接詞場碧水長流遍海疆
滾滾波濤聲不息斐然有緒煥文章

安平晚渡

王璋

問津當重鎮薄暮泛長空
流盡三春水飄然一葉風
亂山浮遠翠落日浴殘紅
談笑天垂幕車聲月色中

沙崑漁火

沙積橫江路漁燈入夜闌
離離分艇聚耿耿帶星繁
照破乾坤夢覺來島嶼寒
待教明月上鼓棹過前灘

鹿耳春潮

百谷東南滙春潮漲九環
急來天外水突起眼前山
吾道虛舟裡人情駭浪間
始知浮海者徒若不如閒

雞籠積雪

雪壓重關險江天儼一新
乍擬冰世界頓改玉精神

瘠壤皆生色空山不染塵寒光如可借書幌歷冬春
東溟曉日

東生滄海日真景正無邊未出光韜焰將離勢爍然
金輪浮綠水靈曜漾青天謾說烟波遠恩暉島上懸

西嶼落霞

水盡山橫峙霞明半嶺西寒鴉爭亂影孤鷺與飛齊
樹點渾成綺崖懸恍折珪奇觀當逸興生面早畱題

澄臺觀海

指顧層臺上澄清竟若何大都天地濶不辨水雲多
棹轉爭飛鳥宵鳴聽巨鼉此時無限意萬里壯關河

斐亭聽濤

伐竹搆江亭深宵聽浪聲隨風疎欲斷和月到無情
忽訝琴書冷真從几案生波臣應共語籍籍頌高清

安平晚渡

林慶旺

渡海與江并春光薄暮清藩宮離黍憾王國普天平
月色三更遠漁歌四野橫行人多少許幾棹惠風迎

沙崑漁火

野徑積沙深七崑緩步尋笠翁疑隱見舟子任浮沉
眾籟鳴天際孤燈照水心晨星鐘漏落漁火色相侵

鹿耳春潮

籠嵒插三台花香百里回鳳毛山掩映鹿死日徘徊
待月知波至聞風驚浪來春潮聲似箭鬣迅雷催

雞籠積雪

水壺九曲通粉隊市郊同鷄聲聞社北籠影照墻東
藕絲垂地上玉屑落天中柳絮隨風起清肌賞太空

東溟曉日

東方懸太陽丸子見重洋水曲騰波勢天池躍曙光
形能破霧艷色出扶桑一望滄溟遠珊瑚燦曉粧

西嶼落霞

極眸裳嶼西艷冷彩雲迷丹氣四時播紅顏一筆題
寒鴉無獨返孤鶩恰同棲醉臉歸來晚新篇五色齊

澄臺觀海

形勝蔚崔巍登高望九垓三時先月得七寶避風催

康熙臺灣府志

卷之十

藝文

九一

宦困稱顏骨名成大陸才澄清惟此景聳立素懷開

斐亭聽濤

大觀輪奐宜遊屐自委蛇香坐樂章進梅開宮漏遲
一舟高浪響千里渺雲馳傾耳雙洋外杯淺百不辭

鹿耳門曉望門鳳山縣

林慶旺

五更颶發肆狂瀾險阻千客掉難舟枕豈安潮淼
湧漁燈錯認曉霞觀蛟龍水面吞星鏡鳳凰山頭遁
日丸波入鹿門風未宿一層爲了一層灘

臺灣偶作

跋涉雙洋任太虛塵氛越國好刪除長披雲樹為疆
界畫寫市樓入券書竹戶日窺詩史案海天風叩首

闌居有懷砥柱難投筆幾載淒涼志未舒

東湖即景

臺灣東郊有鯽仔潭今改名東湖文學

吟咏頗多

東流嫵媚好逍遙春樹斜橫佳致饒十里潭光天際
映四時野色水中描竹枝蔓衍拖青帶霓影紛披漾
采橋萬戶燈紅居似織灣波岸上看鶯嬌

一葦舟行遊興闌錦鱗磅礴共垂竿萍依澤畔岸連
袂星覆津頭磯戴冠妝牖雲斜梳曲鬢烟波日落鏡
懸盤東湖今作西湖賞也許騷人極目看

翹首湖天侈勝遊東郊花柳正嬌柔三時應許烟霞
接一水還教雨露妝色映蒼松團鶴盖影墜明月浴

康熙臺灣府志

卷之十

藝文

九二

珠毬野夫亦解幽清致携手柴舫泛扁舟

彌陀室避暑 限韻調才蘭花漫 張僊客

凌茫然萬頃忽一葉抵平蕪正宴集南皮觴飛河朔
時候無殊選勝遍尋樂國望彌陀靜室汗收珠好伴
二三知己應教空谷維駒 偏從海外探蓬壺誰論
一身孤任員嶠高深瀛洲縹緲也是平途欲上瓊樓
玉宇逢六月且暫息良圖兀坐蕭然有得詠歸日已
將晡

臺灣八詠

安平晚渡

婁廣

艇子渡安平乘風一葉輕夕陽帆影亂彼岸莫煙橫

沙鯤魚火

沙阜勢如鯤漁人網罟屯夜闌燈火爛照破海天昏

鹿耳春潮

滄海本無垠誰安鹿耳門年七春到此散作候潮喧

雞籠積雪

山峻日雞籠連雲插海中炎方偶積雪傳播恁忽乚

東溟曉日

宿霧薄東溟鴻濛一氣青波間昇曉日萬象畫流形

康熙臺灣府志

卷之十

藝文

九四

西嶼落霞

西嶼隱平沙銜竒砌落霞千帆標倒影一抹夕陽斜

澄臺觀海

海國淼無窮澄臺瞰四封自從歸禹貢何水不朝宗

斐亭聽濤

海藏發雷霆為濤鼓眾聽最宜風雨候載酒上斐亭

海會寺寺係鄭氏故宅

此地當年擬館娃蜃樓海市霸圖賒王孫已去遺芳

草宮院誰來掃落花歌管聲沈聞貝葉舞衫采徹現

袈裟我非佞佛閒隨喜乚見梯航屬一家

臺灣偶作

蠅匕番姓土風偏不識干支恍葛天擇贅鳳簫翻午
夜妝成鼉鼓慶週年桀癸身臂鯨花燦男女腰肢削
竹編驛傳倩渠傳片檄行追奔馬似飛仙

其二

島彝越海附中原節物驚心異故園叢菊春開殊可
意荷花臘艷更銷魂佛頭碩果婆羅密鵠面竒人鬼
儻畚擬續齊諧頻閣筆換猪怪事不堪論

安平晚渡

張宏臺灣令

激盪飛流白似銀蒼茫烟樹絕纖塵
舟橫兩岸樓相對風正孤帆月一輪
遠近行人爭渡口東西歸鳥歇
鯤身城頭吹角音偏異還聽猿啼酸更辛

沙崠漁火

漁舟雜沓傍沙汀燈影參差照北冥
曠野但看光燁燁遠山能辨色青天
邊蕩漾非關月水際熹微似
落星到曉尚餘紅慘淡莫疑宵燭放宮庭

鹿耳春潮

風和春暖水流湯鹿耳雄開天一方
疾捲沙堤成白練橫衝古岸作潢洋
揚帆伐鼓爭先進撒網拖魚自

康熙臺灣府志

卷之十

藝文

九六

列行過客紛紛皆冒險利名牽惹到巖疆

雞籠積雪

雞籠巖壑各爭妍雪積光搖庾嶺然
日映鱗鱗鋪玉屑鴉飛點點拂雲箋
參差石面千層白高下林梢一抹烟
清興此時已不淺何須秋夜月流天

東溟曉日

雲收霧捲水漫漫天未曛曠漸吐丹
銷鑠千條穿白浪琉璃萬頃湧金盤
熒光波撼難成片赤沫魚噴可
作團莫道扶桑相隔遠升沉明晦得同觀

西嶼落霞

夕陽搖曳紫金沙西嶼含霞景色奢
彷彿濃林成火

樹依稀清澗鬪龍蛇光拖陌上如橫錦影射天邊似
散花遙望飛鴉疑杜宇頓教萬物盡生華

斐亭聽濤

謾言遊賞四難并濤聽斐亭接遠聲車馬飛奔連夜
發蛟龍出窟帶山傾潮平猶作松林吼風淨還疑草
木兵喧聒此時殊不已轟轟豈止一牛鳴

澄臺觀海

乘興登臺望四隅海天莫可定羸輸黃雲浩淼離還
合蒼靄微茫有若無樓市結來成幻景團圞湧出映
方壺漁人罷釣沙灘上換酒歸時招復呼

興建 文廟恭紀

宋永清

荷花十里地廟前有蓮苑潭廣盈十畝喜建聖人居
泮壁流天際園橋架水渠千秋陳俎豆萬國共車書
巍煥今伊始英才自蔚如

新署落成

百里山城幾代~~來~~我來猶自少官衙承宣何地藏公
案聽斷無從隱使車茅屋幾間開枳棘竹籬四壁帶
烟霞羣山極目含佳氣春色晴光到萬家

過羅山有設縣安營建興學校之舉書以紀事

曉色寒侵露未稀黃沙漠漠撲征衣勞人幾度圖興
建大地千年護翠微丘壑欲開桃李徑田疇漸覺稻

康熙臺灣府志

卷之十

藝文

九八

梁肥海邦形勝雄東顧立馬羅山看落暉

過寧靖王墓

刮地西風古墓門馬蹄衰草感王孫道傍密布桄榔
樹竹裏~~淡~~藏番樣園滄海無情流夜月乾坤有恨弔
忠魂~~淡~~秋尚有啼鶻血十里紅花染泪痕

番社

百里長征山徑紆溪邊竹裏走番奴蠻音雜沓聞鷓
鴉茅屋參差入畫圖裸體威儀存幅布纏頭修飾喜
生芻 番民裸體文身刈草懸之以誇華美 有時客至

呼兄弟 番無老幼悉以兄弟呼之一笑頻斟打喇酥

番呼酒為打喇酥客至男婦奉以為敬

紅毛樓

東西遙對海疆秋一在府治一在安平鎮東西兩樓

屹然對峙故云高接雲虛尺五樓百戶千牕迷野草

賀蘭曾作萬年謀

打鼓山

小山脉脉祖崑崙渡海穿江逐浪奔翠樹千層枝穩

鳳碧波萬頃窟藏龜縱觀魚躍硫磺水諦聽潮來打

鼓門偏是怒濤風兩後赤鱗金甲吼乾坤

埤頭店

觀音山過兩三家便是埤頭小徑斜買賣渾沽村舍

酒往來常駕野牛車社鄰傀儡行人少地接琉球去

康熙臺灣府志

卷之十

藝文

九九

水賒

小巽孤懸即小琉球番常聚族以居為賀蘭殺

無礁類因其地產土物如鸚鵡螺水藤之屬以故通

商者猶航海登之舟下則為萬水朝東之所水窮山

盡薄宦勞人豈淺鮮哉茅店荒雞啼夜月青燈隻影

滯天涯

五里林

濁水因何發水源來自濁水溪流來五里林鷓鴣鷓

鷓少苦竹刺藤溪依草尋詩坐緣花貰酒斟西風吹

髻髮泥濘苦相侵

下淡水社

淡水河邊社于茲上下分疎梅凝皓魄落水暗彤雲

鬼舞驚田鼠鴉歸噪夕曛狂風吹鬢短嵐氣亂氤氳
力力社

力力誰爲力何年野社開新籬多曲折古徑自迂迴

鳥屬他鄉異如綠鳩之類地多異鳥笳聲此地哀番

以竹爲笳其音甚悲閩南煙瘴路疏鑿憶從來

茄藤社

策馬茄藤社霜蹄破綠苔亭亭橫野樹漠漠擁沙堆
蠻女騎牛去番童逐鹿來 聖朝恩澤潤墨齒不為
灾

放線社

皂蓋臨放線追陪此地遊雖無王粲賦不作虞卿愁

康熙臺灣府志 卷之十 藝文

一〇〇

鴈斷天涯路旌懸海外樓坐談人世險新月控吳鉤

上淡水社

遙遙上淡水草色望淒迷魑魅依山嘯鴟梟當路啼
茅簷落日早竹徑壓風低歲暮猶春意花香趁馬蹄

阿猴社

十年勞夢寐人事轉參差且守潘生拙何妨邴氏卑
青山天外色白髮故園思馬首雲生滿阿猴月上遲
搭樓社

豐城孤劍短觸目不勝愁斥鹵黃沙地寒風白鷺洲
野泉寒漱玉海氣靜浮鷗百里宵征早黃昏到搭樓

大澤機

淡水由北去車迷大澤機煙屯蘿徑窄翠滴澗雲飛
洞口仙家景溪邊野客扉風塵何事老落落竟忘歸

過崗山

大崗山過小崗山萬木蒼蒼一望間四野遙團翠色
迴兩峯高接白雲間懸巖古洞藏金粟怪石枯藤隱
玉環幾欲登臨艱步履夕陽斜照水流灣

渡淡水溪

淡水悠悠天盡頭東連傀儡徧荒丘淡水溪名其水
冽如水而黃沙兩岸衰草寒烟寓目輒成慘淡于塞
外風景殆尤過之渡溪以南卽八社地為人跡罕到
之處蓋陰雲瘴癘觸之必死惟土番得而居之番自

康熙臺灣府志

卷之十

藝文

一〇一

鄭氏以及效順聚族岩居從無以水土為病者極東
則為傀儡山山野異類名傀儡生番茹毛飲血尚存
古處特其生性強悍嗜殺如飴與民人素不相接偶
一逢必以標鎗中之漆其頭以為玩器以故人多視
為畏途然和番貿易者每趨焉嗟乎名利迫人不憚
驍險予輩其亦然耶真堪發一浩歎

雲迷樹隱猿猴
嘯鬼舞山溪虎豹愁野寺疎鐘煙瘴路黃沙白露沉
寥秋不知談笑封侯者冒險衝寒似我不

夜渡灣裡溪

野色蒼茫月色幽一溪流水去無休濤聲亂捲驚殘
夢竹葉輕敲報早秋樹起猿猴延澗躍風翻鳥雀借

林投蕭條景物他鄉異中夜漫漫發旅愁

倒咯噶夜雨

寂寂荒村薄海濱孤燈獨影一征人風飄番社三更
雨夢斷京華十丈塵半嶺霧籠星月暗一痕烟鎖畫
圖新秋來每憶家園裏小艇漁簑自采蓴

九日羅山遇雨

山屬鄭氏舊營址

蕭蕭風雨度重陽匹馬羅山舊戰場白髮漸隨秋色
老黃花空憶故園香雲迷古樹千峯遠霧鎖清溪一
水長萸酒年年常醉客爭雄壁壘幾滄桑

番社夜賦

竹影蕭蕭夜色寒風翻宿鳥折霜翰中原佳氣憑欄

康熙臺灣府志

卷之十

藝文

一〇二一

望海外星文倚劍看樹暎層巒雲漠漠橋通隔岸水
漫漫芙蓉且喜三冬盛明月黃花如是觀

臺地氣候

卽冬時野菊芙蓉爛熳如秋

登小西天最高頂

拈得五微

春來梅柳鬪芳菲散步清溪到翠微怪石枯藤迷野
徑殘枝敗葉擁禪扉踏開覺路香生履振落天花色
染衣更上一層迴首處故山遙望寸心違

扶桑海日歌

大中丞李公觀風題

湯谷之水何泱泱輪囷大木生其陽同根兩幹萬餘
里其間有國名扶桑地臨仙島蓬萊渡蛟室龍宮還
布護幻景樓臺變化多天琛穴鱗頻相妬君不見金

烏閃閃起碧波檣槍驚落搖婆娑魑魅魍魎各消散
堯天舜日光融和又不見島嶼風清商賈聚鯢浪靖
征帆布文身黑齒遊恩波金湯百二雄東顧團團金
闕走華光乾坤大地長輝煌人生醉醒幾駒隙笑看
扶桑海日真文章

踏灾行

自夏徂秋兮旱魃爲殃泉涸烟生兮海沸如湯五穀
已萎兮不舞商羊桑林輸誠兮四野張皇終日勞勞
兮步禱上方攜老扶幼兮百里相將層巒共望兮風
伯無良浩浩皇天兮不我之傷連年亢旱兮民何所
藏哀哀窮黎兮家無稻糧務穡勸兮兮猶藉官倉乞

康熙臺灣府志

卷之十

藝文

一〇三

羅鄰邑兮幸歌太康荒政十二兮務去櫬槍實余涼
德致此兮敢怨彼蒼

赤嵌城觀海

陳聖彪
副榜貢生

孤城獨上俯瀛洲極目蒼茫一望收落日半痕天共
白晚潮千頃月同流滄溟隱入蛟龍窟島嶼寒生海
市樓波浪不揚征戰息舳艫閒作釣魚舟

岡山

車行十里見岡山山接雲連萬仞間高阜野花紅灼
灼平疇春水綠閒閒雄分壁壘龜蛇合勢莫波濤竹
木環聲教漸隨新位置一犁膏爾潤沙灣

總論

閩之臺郡無殊粵之瓊州而水秀山明過之曩雖聖教未孚與中州迥別數年來式以

宸翰董以文衡鼓以科目家絃戶誦丘瓊山海忠介之烈當不讓於將來也名文佳章得之海外坡公其明驗矣